

Lei 6/1994, do 29 de decembro, de presupostos xerais da Comunidade Autónoma de Galicia para 1995

Tramitación parlamentaria:

Proxecto de lei, BOPG núm. 141, do 21.10.1994.

Emendas á totalidade, BOPG núm. 157, do 12.11.1994.

Emendas parciais, BOPG núm. 164, do 22.11.1994.

Debate de totalidade, DSPG núm. 39, do 15.11.1994.

Informe da Ponencia, BOPG núm. 169, do 2.12.1994.

Dictame da Comisión, BOPG núm. 180, do 17.12.1994. Corrección de erros: BOPG núm. 181, do 19.12.1994.

Mantemento de emendas e votos particulares, BOPG núm. 180, do 17.12.1994.

Debate e aprobación polo Pleno, DSPG núms. 44, do 20.12.1994; 45, do 21.12.1994, e 46, do 22.12.1994.

Publicación:

Boletín Oficial do Parlamento de Galicia núm. 185, do 29.12.1994.

Diario Oficial de Galicia núm. 251, do 30.12.1994.

Boletín Oficial del Estado núm. 38, do 14.2.1995.

Lei 6/1994, do 29 de decembro, de presupostos xerais da Comunidade Autónoma de Galicia para 1995

Os presupostos para 1995, como expresión cifrada da actividade económico-financeira da Comunidade Autónoma, son a consecuencia dun esforzo conciliador entre o curto e o medio prazo, nun escenario financeiro cambiante.

Neste sentido, a actualización do programa de converxencia do Goberno central e a programación comunitaria, trala aprobación por Bruxelas do Plan de desenvolvemento rexional 1994-1999, son dous claros condicionantes entre os que inseri-la Lei de presupostos para 1995. O primeiro afecta ós seus aspectos financeiros e o segundo ós seus aspectos económicos, en tanto en canto orienta o destino dos recursos a unha política propia, resultado dunha estratexia de desenvolvemento posta en marcha pola Xunta en 1990.

E así, como resultado dese contexto, os presupostos xerais da Comunidade Autónoma de Galicia para 1995 teñen os seus perfís propios. Entre eles, e dunha parte, unha certa moderación na forte actividade investidora mantida ata agora; e doutra, unha certa énfase

no gasto de funcionamento, explicado en gran medida polas atencións sociais e, sobre todo, educativas e sanitarias.

Pero, por encima deses contidos substantivos, a Lei de presupostos para 1995 tamén incorpora algunhas novidades, resultado da experiencia próxima e orientadas á mellora da xestión presupostaria sectorial e conxunta, desde o estricto respecto á transparencia no manexo dos recursos públicos.

De conformidade con ese espírito poden destacarse as seguintes novidades na Lei de presupostos de 1995.

No título I, Da aprobación dos presupostos e das súas modificacións, en materia de limitacións sobre as transferencias de crédito dos capítulos de investimentos que impliquen crecemento do gasto corrente, establécese como excepción que nas seccións 07, Educación e Ordenación Universitaria, e 11, Sanidade e Servicios Sociais, a limitación se aplicará unicamente cando se supere o 5% das dotacións iniciais dos capítulos VI e VII.

No título II, Dos gastos de persoal, prevese un incremento do 3,5% nas retribucións do persoal ó servizo da Administración autonómica. Inclúese así mesmo unha nova norma referida á limitación da contía da indemnización por cesamento do persoal de alta dirección dos organismos autónomos e das sociedades públicas da Comunidade Autónoma.

No título IV, Normas tributarias, modifícanse os tipos de taxas de contía fixa establecidos no Decreto lexislativo 1/1992, do 11 de abril, introducíndose igualmente diversas modificacións na redacción do seu texto articulado, que afectan á determinación das contías de diferentes taxas e prezos.

No título V, Da xestión presupostaria, recóllense os criterios que deben utilizarse na xestión dos programas incluídos no Plan intersectorial de competitividade (PIC), axilizando o proceso de determinación e aprobación das propostas de convenio ou contrato-programa que proceda subscribir en apoio de iniciativas empresariais de especial interese. Inclúese igualmente unha disposición limitativa dos incrementos establecidos en concepto de revisións de prezos nos concertos ou convenios que se subscriban durante o ano 1995. A regulación das subvencións presenta algunhas modificacións que aparecen recollidas no artigo 34 da lei.

Finalmente, introdúcese como novidade no texto da lei un artigo referente á incorporación ó exercicio seguinte, en concepto de ingresos, dos créditos destinados a provisiones para riscos que non fosen executados ó final do exercicio corrente.

Dentro das disposicións adicionais recóllense mecanismos para garanti-lo equilibrio presupostario en relación coas iniciativas lexislativas, executivas ou de convenios, e modifícanse diversos artigos da Lei 8/1993, reguladora da Administración hidráulica de Galicia, en virtude da autorización concedida na disposición derradeira terceira da referida lei, para que a través da Lei de presupostos da Comunidade Autónoma puidesen establecerse as modificacións oportunas en canto á regulación legal do canon de saneamento.

Por último, na disposición transitoria terceira levántase a suspensión temporal parcial da oferta de emprego público, establecéndose como limitación que o número de prazas de novo ingreso sexa inferior ó que resulte da aplicación da taxa de reposición de efectivos, excepto para determinado persoal adscrito a centros de ensino, sanitarios ou de servizos sociais.

Por todo o exposto, o Parlamento de Galicia aprobou e eu, de conformidade co artigo 13.2 do Estatuto de Galicia e co artigo 24 da

Lei 1/1983, do 22 de febreiro, reguladora da Xunta e do seu presidente, promulgo, en nome de El-Rei, a Lei de presupostos xerais da Comunidade Autónoma de Galicia para 1995.

Título I

Da aprobación dos presupostos e das súas modificacións

Capítulo I

Os créditos iniciais e o seu financiamento

Artigo 1. Ámbito dos presupostos xerais da Comunidade Autónoma de Galicia.

Os presupostos xerais da Comunidade Autónoma de Galicia para 1995, que se aproban nos termos indicados na presente lei, están integrados por:

a) Os presupostos da Administración xeral da Comunidade Autónoma e os dos seus organismos autónomos.

b) Os presupostos de explotación e capital das sociedades públicas de carácter mercantil.

c) Os presupostos dos demais entes públicos ós que se refire o artigo 12 da Lei de réxime financeiro e presupostario de Galicia.

Artigo 2. Presupostos da Administración xeral da Comunidade Autónoma e dos seus organismos autónomos.

Un.— Nos estados de gastos consolidados dos presupostos da Administración xeral da Comunidade Autónoma e nos dos seus organismos autónomos consígnanse créditos por importe de 790.291.316.000 pesetas. A distribución do seu importe detállase a continuación:

Organismo	Capítulos I a VII Gastos non financ.	Capítulo VIII Act. financ.	Capítulo IX Pasiv. financ.	Total
Administración xeral	512.060.257.000	2.207.000.000	20.102.033.000	534.369.290.000
OO.AA. administrativos	237.681.594.000	86.000.000		237.767.594.000
OO.AA. comerc., ind. e financ.	17.844.432.000	310.000.000		18.154.432.000
TOTAL	767.586.283.000	2.603.000.000	20.102.033.000	790.291.316.000

As transferencias internas entre a Administración xeral da Comunidade Autónoma e os seus organismos autónomos representan 20.530.288.000 pesetas, segundo o seguinte detalle:

Destino Organismo	Administración xeral	OO.AA. administrativos	OO.AA. com., ind. e fin.	Total
Administración xeral		11.760.281.000	8.764.007.000	20.524.288.000
OO.AA. administrativos	4.000.000			4.000.000
OO.AA. comerc., ind. e financ.	2.000.000			2.000.000
TOTAL	6.000.000	11.760.281.000	8.764.007.000	20.530.288.000

Dous.— A distribución dos créditos por funcións, en miles de pesetas, establécese da forma seguinte:

	Funcións	Importe
11	Alta dirección da Comunidade Autónoma	3.034.883
12	Administración xeral	11.587.169
21	Seguridade Social e protección social	36.025.882
22	Promoción social	20.789.200
23	Protección civil e seguridade	1.741.442
31	Sanidade	237.595.678
32	Educación	175.456.841
33	Vivenda e urbanismo	18.999.609
34	Benestar comunitario	12.143.628
35	Cultura	14.518.319
36	Outros servicios comunitarios e sociais	10.497.640
41	Infraestructura básica e do transporte	39.869.088
42	Outras infraestructuras	14.176.662
43	Investigación científica, técnica e aplicada	3.562.410
44	Información estatística básica	517.722
51	Actuacións económicas xerais	2.195.856
52	Comercio	2.062.239
53	Actividades financeiras	4.273.923
61	Agricultura, gandería e pesca	25.566.963
62	Industria	1.434.022
63	Enerxía	5.626.000
64	Minería	255.000

	Funcións	Importe
65	Turismo	3.455.605
71	Industrialización e reordenación industrial	11.504.427
72	Desenvolvemento empresarial	216.400
73	Mellora da competitividade en grupos de interese galego	7.845.675
81	Transferencias a entidades locais	72.240.000
91	Débeda pública	53.099.033
	TOTAL	790.291.316

Tres.— A distribución orgánica e económica do presuposto consolidado, en miles de pesetas, é como segue:

Sección	Cap. I	Cap. II	Cap. III	Cap. IV	Cap. VI	Cap. VII	Cap. VIII	Cap. IX	Total
Parlamento	787.014	627.500		160.000	104.000	11.000			1.689.514
Consello de Contas	390.022	121.920		19.550	19.000	5.000	5.000		560.492
Consello da Cultura Galega	22.770	148.122		10.000	4.500	0			185.392
Presidencia e Admón. Púb.	3.786.875	2.191.073		11.586.028	5.229.000	2.501.000			25.293.976
Economía e Facenda	3.009.529	590.250		1.053.159	1.833.000	10.966.600	50.000		17.502.538
Polít. Terr., O.P. e Vivenda	3.641.976	389.069		1.163.466	39.313.400	11.126.600	1.000.000		56.634.511
Educación e Ord. Univ.	118.686.607	14.223.386		41.618.708	12.226.880	2.508.940	3.000		189.267.521
Industria e Comercio	1.755.225	256.724		345.025	907.154	12.456.290	544.456		16.264.874
Agricultura, Gand. e Montes	8.829.475	813.124		235.850	16.786.762	11.346.914	604.544		38.616.669
Cultura	1.543.801	584.595		1.063.050	2.362.949	4.514.018			10.068.413
Sanidade e Serv. Sociais	5.922.856	3.401.434		23.887.746	2.869.352	3.865.648			39.947.036
Pesca, Marisq. e Acuicult.	2.929.186	386.416		250.000	2.491.800	8.642.800			14.700.202
Xustiza, Interior e Rel. Lab.	1.741.742	618.354		1.167.580	727.400	1.012.600			5.267.676
Familia, Muller e Xuvent.	4.439.286	2.680.596		9.983.849	521.000	823.000			18.447.731
Transferencias a C.C.L.L.	0			68.294.000	0	0			68.294.000
Débeda pública	0		31.096.000		0	0		20.102.033	51.198.033
Gastos diversas consellerías	170.000	785.000			0	0	0		955.000
TOTAL ADMÓN. XERAL	157.656.364	27.817.563	31.096.000	160.838.011	85.396.197	69.780.410	2.207.000	20.102.033	554.893.578
Escola Galega Admón. Púb.	109.182	268.697		20.000	10.500				408.379
Instituto Galego de Estatíst.	261.222	33.100		4.400	220.000				518.722
Servicio Galego de Saúde	108.662.320	58.165.040	1.901.000	47.796.050	19.621.599		86.000		236.232.009
Academia Galega de Seguridade	34.655	110.345		1.000					146.000
S.G. Prom. Igual. Home Muller	64.484	20.000		372.000	6.000	4.000			466.484
Inst. G. Vivenda e Solo	967.379	191.087	149.272	1.000	10.713.952	5.167.200	310.000		17.499.890
Inst. G. A. Esc. e Musicais	198.895	74.575		97.000	286.072				656.542
TOTAL OO.AA.	110.298.137	58.862.844	2.050.272	48.291.450	30.858.123	5.171.200	396.000	0	255.928.026
TOTAL PTO. BRUTO	267.954.501	86.680.407	33.146.272	209.129.461	116.254.320	74.951.610	2.603.000	20.102.033	810.821.604
A. DEDUC. TRANSF. INTER.				9.757.514		10.772.774			20.530.288
TOTAL PTO. NETO	267.954.501	86.680.407	33.146.272	199.371.947	116.254.320	64.178.836	2.603.000	20.102.033	790.291.316

Catro.— Nos estados de ingresos dos presupostos da Administración xeral da Comunidade Autónoma e nos dos seus organismos autónomos recóllense as esti-

macións dos dereitos económicos que se prevén liquidar durante o exercicio, por un importe consolidado de 790.291.316.000 pesetas, distribuídos da seguinte maneira:

Organismo	Capítulos I a VII Ingr. non financ.	Capítulo VIII Act. financ.	Capítulo IX Pasiv. financ.	Total
Administración xeral	471.565.257.000	2.000.000	62.802.033.000	534.369.290.000
OO.AA. administrativos	237.767.594.000			237.767.594.000
OO.AA. comerc., ind. e financ.	18.144.432.000	10.000.000		18.154.432.000
TOTAL	727.477.283.000	12.000.000	62.802.033.000	790.291.316.000

Cinco.— Os beneficios fiscais que afectan ós tributos cedidos polo Estado á Comunidade Autónoma estímense en 3.296.994.000 pesetas. O seu detalle recóllese no anexo I desta lei.

En cumprimento do establecido no artigo 42.2 da Lei 13/1991, do 9 de decembro, de taxas, prezos e exaccións reguladoras da Comunidade Autónoma de Galicia, o importe das subvencións regula-

doras fíxase en 2.063.420.000 pesetas.

Artigo 3. Presupostos das sociedades públicas.

Un.— Presuposto das sociedades mercantís.

As dotacións concedidas e os recursos estimados das sociedades públicas elévanse a 25.188.590.000 pesetas, de acordo coa distribución que se indica:

Sociedades Mercantís	Dotacións	Recursos
Foster Galicia, S.A.	134.300.000	134.300.000
Sociedade Galega do Medio Ambiente, S.A.	10.652.015.000	10.652.015.000
Sociedade de Imaxe e Promoción Turística de Galicia, S.A.	1.933.000.000	1.933.000.000
Xestión Urbanística da Coruña, S.A.	5.410.000.000	5.410.000.000
Xestión Urbanística de Lugo, S.A.	282.000.000	282.000.000
Xestión Urbanística de Ourense, S.A.	1.461.000.000	1.461.000.000
Xestión Urbanística de Pontevedra, S.A.	361.683.000	361.683.000
S.A. de Xestión do Plan Xacobeo	4.154.136.000	4.154.136.000
S.A. de Xestión do Centro de Supercomputación de Galicia	170.706.000	170.706.000
Sociedade para o Desenvolvemento Comarcal de Galicia	429.750.000	429.750.000
Galiol, S.A.	200.000.000	200.000.000
TOTAL	25.188.590.000	25.188.590.000

Dous.— Presuposto dos restantes entes públicos.

Os estados de gastos e ingresos dos entes públicos ós que se refire

o apartado c) do artigo 1 acadan un total de 23.732.873.000 pesetas, detallados como segue:

Entidades Públicas	Ingresos	Gastos
Compañía de Radio-Televisión de Galicia e sociedades	12.888.955.000	12.888.955.000
Instituto Galego de Promoción Económica	9.993.600.000	9.993.600.000
Fundación Pública Hospital de Verín	850.318.000	850.318.000
TOTAL	23.732.873.000	23.732.873.000

Capítulo II

Das modificacións presupostarias

Artigo 4. Competencias específicas en materia de modificacións presupostarias.

Sen prexuízo do establecido na Lei de réxime financeiro e presupostario de Galicia e con validez exclusiva para 1995 autorízanselle ó conselleiro de Economía e Facenda as seguintes competencias específicas en materia de modificacións presupostarias:

a) Para incorporar ó presuposto de 1995 os créditos de exercicios anteriores, cando correspondan a actuacións financiadas ou cofinanciadas pola Unión Europea.

b) Para incorporar ó presuposto de 1995 o crédito 11.02.212 A.481.10, de 1994, destinado á renda de integración social de

Galicia, na parte que non acadase a fase «O» en contabilidade.

c) Para xerar crédito no programa 531B, «Imprevistos e funcións non clasificadas», por un importe igual á diferenza que poida existir entre a liquidación definitiva da porcentaxe de participación nos ingresos do Estado para 1994 e a estimada no estado de ingresos de 1995 para o dito concepto.

d) Para xerar crédito, cando sexa necesario, na aplicación presupostaria correspondente, por contía igual ó importe das compensacións económicas derivadas de pólizas subscritas con compañías de seguros.

e) Para ampliar ata unha suma igual ás obrigas que se recoñezan, logo do cumprimento das formalidades legalmente establecidas ou das que se establezan, os créditos que, incluídos no presuposto da Comunidade Autónoma, nos

dos organismos autónomos e/ou nos doutros entes públicos aprobados por esta lei, se enumeran a seguir:

1.—Os destinados ó pagamento das obrigas derivadas de crebas de operacións de crédito avaladas pola Comunidade Autónoma, dándolle conta ó Parlamento no prazo de un mes.

Cando se trate dun organismo autónomo ou dunha sociedade pública, a ampliación materialízase a través da sección presupostaria á que figuren adscritos.

2.—Os destinados a satisfacer as cantidades que deben percibir os liquidadores dos distritos hipotecarios en concepto de indemnizacións e compensacións dos gastos orixinados pola recadación e xestión de autoliquidacións practicadas polo imposto sobre transmisións patrimoniais e actos xurídicos documentados e pola recadación e práctica das liquidacións do imposto sobre sucesións e doazóns.

3.—Os créditos destinados ó pagamento dos premios de cobranza e participacións en función da recadación de vendas e restantes créditos de vivendas, predios, locais e edificacións complementarias correspondentes ó Instituto Galego da Vivenda e Solo, así como os referentes ós traballos de facturación e apoio á xestión do patrimonio inmobiliario do devandito Instituto, que se establezan de acordo coas cifras recadadas no período voluntario.

4.—Os destinados ó pagamento dos premios de cobranza de tributos e demais ingresos de dereito público da Comunidade Autónoma.

5.—As obrigas de carácter periódico contraídas no exterior e que deban ser pagadas en divisas, pola diferenza existente entre o prezo das divisas previsto e o custo real delas no momento do pagamento.

6.—Os créditos que sexan necesarios nos programas de gasto dos organismos autónomos e dos entes públicos para reflectir as repercusións que neles teñan as modificacións dos créditos que figuran no estado de transferencias entre subsectores dos presupostos xerais da Comunidade Autónoma.

7.—Os créditos de transferencias a favor da Xunta de Galicia que figuren nos presupostos de gastos dos organismos autónomos ata o importe dos remanentes da Tesourería que resulten como consecuencia da súa xestión.

f) En relación co presuposto do Servicio Galego de Saúde:

1.—Para ampliar ou minorar créditos por un importe igual á diferenza que poida resultar entre as previsións iniciais de transferencias procedentes do Insalud e as que efectivamente se liquiden.

2.—Para realizar as adaptacións presupostarias que resulten precisas como consecuencia da participación do Sergas nos créditos previstos polo Estado para a cancelación de obrigas non satisfeitas do Insalud.

g) Para adaptar ós importes das transferencias efectivamente recibidas a contía dos créditos incluídos no estado de gastos do presuposto e correspondentes a transferencias finalistas. No suposto de que as obrigas recoñecidas ata ese momento superasen o importe real da transferencia, o seu financiamento realizárase mediante as oportunas minoracións noutros créditos da sección de que se trate, por proposta da Consellería afectada.

Artigo 5. Vinculación de créditos.

Con vixencia exclusiva para 1995 considéranse vinculantes, co grao de desagregación que a continuación se indica, os seguintes créditos:

220.03, «Diario Oficial de Galicia»,

223.08, «Transporte escolar»,

226.01, «Atencións protocolarias e representativas»,

226.02, «Publicidade e propaganda»,

226.06, «Reunións e conferencias»,

226.13, «Gastos de funcionamento de tribunais de oposicións e de probas selectivas»,

227.06, «Estudios e traballos técnicos»,

230, «Axudas de custo»,

231, «Locomoción»,

233, «Outras indemnizacións».

As transferencias ás que se refire o artigo 67 da Lei 11/1992, de réxime financeiro e presupostario de Galicia, cando afecten ós créditos anteriores, deberán ser autorizadas polo conselleiro de Economía e Facenda.

Artigo 6. Limitacións.

Con independencia das limitacións ás que se refire o artigo 68.1 da Lei de réxime financeiro e presupostario de Galicia, e con vixencia para 1995, non poderán tramitarse expedientes de transferencias de crédito que atinxan os capítulos VI e VII cando deles se derive incremento do gasto corrente, sen prexuízo do previsto no punto 3 do citado artigo.

Polo que se refire ás seccións 07, Educación e Ordenación Universitaria, 11, Sanidade e Servicios Sociais, e ó Servicio Galego de Saúde, a limitación mencionada no parágrafo anterior unicamente será aplicable unha vez superado o 5% das dotacións iniciais dos capítulos VI e VII.

Título II

Dos gastos de persoal

Capítulo I

Retribucións do persoal

Artigo 7. Bases da actividade económica en materia de gastos de persoal.

Un.— As retribucións íntegras do persoal ó servicio da Comuni-

dade Autónoma experimentarán en 1995 un incremento do 3,5% con respecto ás establecidas no exercicio de 1994 para cada posto de traballo.

Dous.— Os acordos, convenios ou pactos que impliquen crecementos retributivos deberán axustarse ó establecido neste artigo, resultando inaplicables en caso contrario.

Tres.— O disposto nos apartados precedentes entenderase sen prexuízo das adecuacións retributivas que con carácter singular e excepcional resulten imprescindibles polo contido dos postos de traballo, pola variación do número de efectivos asignados a cada programa ou polo grao de consecución dos seus obxectivos.

Catro.— O presente artigo aplicaráselle ó persoal ó servizo de:

a) Os órganos estatutarios de Galicia, sen prexuízo do disposto no artigo 12.2 do Estatuto de autonomía de Galicia para o Parlamento.

b) A Administración xeral da Comunidade Autónoma e os seus organismos autónomos.

c) A Compañía de Radio-Televisión de Galicia e as súas sociedades para a xestión dos servizos públicos de radiodifusión e televisión.

d) O ente de dereito público Instituto Galego de Promoción Económica.

e) A Fundación Hospital de Verín.

f) As universidades de Galicia.

g) As demais sociedades e entes públicos.

Artigo 8. Criterios retributivos aplicables ó persoal ó servizo da Comunidade Autónoma non sometido a lexislación laboral.

a) As retribucións básicas e as complementarias de carácter fixo e periódico experimentarán un incremento do 3,5% con respecto ás establecidas no exercicio de 1994, sen prexuízo, se é o caso, da adecuación destas últimas cando sexa necesaria para asegurar que a retribución total de cada posto de traballo garde a relación procedente co contido de especial dificultade técnica, dedicación, responsabilidade, perigosidade e penosidade del.

b) O conxunto das restantes retribucións complementarias, se é o caso, experimentará así mesmo un crecemento do 3,5% con respecto ó do exercicio de 1994, sen prexuízo das modificacións que se deriven da variación do número de efectivos asignados a cada programa, do grao de consecución dos obxectivos fixados para aquel e do resultado individual da súa aplicación.

c) Os complementos persoais e transitorios e as demais retribucións que teñan análogo carácter rexeranse pola súa normativa específica e polo disposto nesta lei.

d) As indemnizacións por razón do servizo rexeranse pola súa normativa específica.

e) As prestacións familiares establecidas pola normativa específica do réxime especial da Seguridade Social dos funcionarios civís do Estado, das Forzas Armadas e da Administración de Xustiza, extensiva, preceptivamente, a determinados funcionarios da Comunidade Autónoma, liquidaráselles ós beneficiarios conforme ó que determinen as leis anuais de presupostos xerais do Estado ou calquera outra disposición que as regule.

Artigo 9. Criterios retributivos en materia de persoal laboral.

A masa salarial do persoal laboral dos entes e organismos que se indican no número Catro do artigo 7 non poderá experimentar un crecemento global superior ó 3,5% respecto da correspondente a 1994, sen prexuízo do que puidese derivarse da consecución dos obxectivos asignados a cada ente ou organismo mediante o incremento da produtividade ou a modificación dos sistemas de organización do traballo ou clasificación profesional.

O previsto no parágrafo anterior representa o límite máximo da masa salarial, cunha distribución e aplicación individual que se producirá a través da negociación colectiva.

Entenderase por masa salarial, para os efectos desta lei, o con-

xunto das retribucións salariais e extrasalariais e os gastos de acción social devengados durante 1994 polo persoal laboral afectado, co límite das contías sobre as que emitiu informe favorable a Consellería de Economía e Facenda para o devandito exercicio presupostario, exceptuándose, en todo caso:

a) As prestacións e indemnizacións da Seguridade Social.

b) As cotizacións ó sistema da Seguridade Social a cargo do empregador.

c) As indemnizacións correspondentes a traslados, suspensións ou despedimentos.

d) As indemnizacións ou os suplidos por gastos que tivese que realiza-lo traballador.

As variacións da masa salarial bruta calcularanse en termos de homoxeneidade respecto dos dous períodos obxecto de comparación, tanto no que respecta a efectivos reais do persoal laboral e antigüidade deste coma ó réxime privativo de traballo, xornada legal ou contractual, horas extraordinarias efectuadas e outras condicións laborais, computándose, en consecuencia, por separado as cantidades que correspondan á variación de tales conceptos. Con cargo á masa salarial así obtida para 1995 deberase satisfacer a totalidade das retribucións do persoal laboral derivadas do pertinente acordo e tódalas que se produzan ó longo

do exercicio, agás as que lle corresponde devengar ó devandito persoal no citado ano polo concepto de antigüidade.

As indemnizacións ou os suplidos deste persoal non poderán experimentar crecementos superiores ós que se establezan con carácter xeral para o persoal non laboral da Administración da Comunidade Autónoma.

Artigo 10. Retribucións dos altos cargos.

Un.— As retribucións totais e exclusivas, incluídas as pagas extraordinarias, dos altos cargos fíxanse para o ano 1995 nas seguintes contías:

Presidente: 10.967.256 pesetas.

Conseleiros: 9.031.284 pesetas.

Secretarios xerais,
directores xerais
e asimilados: 7.190.064 pesetas.

Dous.— Os altos cargos terán dereito á percepción dos trienios que puidesen ter recoñecidos como funcionarios e persoal ó servizo das administracións públicas.

Tres.— As retribucións dos presidentes e vicepresidentes e, se é o caso, as dos directores xerais das entidades de dereito público ás que se refire o artigo 12 da Lei de réxime financeiro e presupostario de Galicia serán autorizadas polo conselleiro de Economía e Facen-

da, por proposta do titular da Consellería á que se atopen adscritos. En ningún caso experimentarán incrementos superiores ó 3,5% con respecto ás percibidas en 1994.

Artigo 11. Retribucións dos delegados provinciais e territoriais das consellerías.

As retribucións dos delegados provinciais e territoriais das consellerías para 1995 serán idénticas ás dos subdirectores xerais da Xunta de Galicia, tanto na súa contía coma respecto dos conceptos que as compoñen.

Terán dereito a percibi-los trienios que puidesen ter recoñecidos como funcionarios e persoal ó servizo das administracións públicas.

Artigo 12. Retribucións dos funcionarios da Comunidade Autónoma incluídos no ámbito de aplicación da Lei 4/1988, do 26 de maio.

Un.— De conformidade co establecido no artigo 8 desta lei, as retribucións que percibirán no ano 1995 os funcionarios incluídos no ámbito de aplicación da Lei 4/1988 que desempeñan postos de traballo para os que o Goberno da Comunidade aprobou a aplicación do réxime retributivo previsto na devandita lei serán as seguintes:

a) O soldo e os trienios que correspondan ó grupo no que se atope clasificado o corpo ou a

escala a que pertenza o funcionario, de acordo coas seguintes contías referidas a doce mensualidades:

Grupo	Soldo	Trienios
A	1.762.740	67.680
B	1.496.088	54.144
C	1.115.232	40.632
D	911.892	27.120
E	832.476	20.340

b) As pagas extraordinarias, que serán dúas ó ano, por un importe cada unha delas dunha mensualidade do soldo e trienios e que se devengarán de acordo co previsto no artigo 15 da Lei 13/1988.

c) O complemento de destino correspondente ó nivel do posto de traballo que se desempeñe, de acordo coas seguintes contías referidas a doce mensualidades:

Nivel	Pesetas
30	1.547.856
29	1.388.412
28	1.330.008
27	1.271.604
26	1.115.580
25	989.772
24	931.368
23	872.988
22	814.572

Nivel	Pesetas
21	756.288
20	702.516
19	666.612
18	630.744
17	594.852
16	559.008
15	523.116
14	487.248
13	451.356
12	415.464
11	379.620
10	343.740

No ámbito da docencia universitaria, a contía do complemento de destino fixada na escala anterior poderá ser modificada nos casos en que así proceda, de acordo coa normativa vixente, sen que isto implique variación do nivel de complemento de destino asignado ó posto de traballo.

d) O complemento específico que, se é o caso, estea fixado ó posto que se desempeñe, do que a súa contía experimentará un incremento do 3,5% con respecto á aprobada para o exercicio de 1994, sen prexuízo do previsto no artigo 8 desta lei.

e) O complemento de produtividade que, se é o caso, se destine a retribuí-lo especial rendemento, a actividade extraordinaria e o interese ou a iniciativa con que o funcionario desempeñe o seu traballo, nos termos establecidos no

artigo 64.3.c) da Lei 4/1988, do 26 de maio.

O complemento de produtividade concederá de acordo con criterios obxectivos que aprobe o Consello da Xunta de Galicia, por proposta das consellerías da Presidencia e Administración Pública e de Economía e Facenda. Os complementos de produtividade deben facerse públicos nos centros de traballo.

As contías asignadas por complemento de produtividade durante un período de tempo non orixinarán ningún tipo de dereito individual respecto das valoracións ou apreciacións correspondentes a períodos sucesivos.

f) As gratificacións por servizos extraordinarios que concederá o Consello da Xunta por proposta da Consellería correspondente e dentro dos créditos asignados para tal fin.

Estas gratificacións terán carácter excepcional e soamente poderán ser recoñecidas polos servizos extraordinarios prestados fóra da xornada normal de traballo, sen que, en ningún caso, poidan ser fixas na súa contía nin periódicas no seu devengo.

g) Os complementos persoais e transitorios recoñecidos en cumprimento do disposto no artigo 10 da Lei 13/1988, do 30 de decembro, de presupostos xerais da Comunidade Autónoma para 1989.

Estes complementos persoais e

transitorios serán absorbidos por calquera mellora retributiva que se produza no ano 1995, incluídas as derivadas do cambio de posto de traballo. En ningún caso se considerarán os trienios, o complemento de produtividade nin as gratificacións por servizos extraordinarios.

Incluso no caso de que o cambio de posto de traballo determine unha diminución das retribucións manterase o complemento persoal transitorio fixado ó producirse a aplicación do novo sistema, á absorción do cal se lle imputará calquera mellora retributiva ulterior, incluso as que poidan derivarse do cambio de posto de traballo.

Dous.— Os funcionarios interinos incluídos no ámbito de aplicación da Lei 4/1988 percibirán o 100% das retribucións básicas, excluídos trienios, correspondentes ó grupo no que estea incluído o corpo no que ocupen vacante e o 100% das retribucións complementarias que correspondan ó posto de traballo que desempeñen, excluídos os que están vinculados á condición de funcionario de carreira.

Tres.— O complemento de produtividade poderá atribuírselles, se é o caso, ós funcionarios interinos a que se refire o punto anterior, así como ós funcionarios eventuais e ós funcionarios en prácticas cando estas se realicen desempeñando un posto de traballo e estea autorizada a aplicación

do devandito complemento ós funcionarios de carreira que desempeñen análogos postos de traballo, agás que o dito complemento estea vinculado á condición de funcionario de carreira.

Artigo 13. Retribucións do persoal estatutario ó servizo das institucións sanitarias.

O persoal incluído no ámbito de aplicación do Real decreto-lei 3/1987, do 11 de setembro, sobre retribucións do persoal estatutario do Instituto Nacional da Saúde, percibirá as súas retribucións básicas e complementarias nas contías que resulten da súa propia lexislación.

Artigo 14. Retribucións en casos especiais.

Os funcionarios pertencentes ás clases de médicos titulares, farmacéuticos titulares, practicantes titulares e matronas titulares que presten os seus servizos en postos de traballo propios da súa clase experimentarán en 1995 un incremento do 3,5% sobre as correspondentes retribucións básicas percibidas no ano 1994.

Igual incremento experimentarán as retribucións complementarias destes funcionarios, que se fixarán de acordo coa normativa vixente que lles sexa aplicable.

O resto do persoal sanitario funcionario non comprendido nos parágrafos anteriores percibirá as

retribucións básicas e complementarias que lle correspondan en aplicación do disposto no artigo 8 desta lei.

Capítulo II

Outras disposicións en materia de réxime do persoal activo

Artigo 15. Prohibición de ingresos atípicos.

Durante o ano 1995, os empregados públicos comprendidos dentro do ámbito de aplicación da presente lei, con excepción daqueles sometidos ó réxime de arancel, non poderán percibir participación ningunha nos tributos, nas comisións ou noutros ingresos de calquera natureza que lle correspondan á Administración ou a calquera poder público como contraprestación de calquera servizo ou xurisdicción, nin participación ou premio en multas impostas aínda que estivesen normativamente atribuídos a eles, debendo percibir unicamente as remuneracións do correspondente réxime retributivo, e sen prexuízo do que resulte da aplicación do sistema de incompatibilidades.

Artigo 16. Outras normas comúns.

Un.— Cando as retribucións percibidas no ano 1994 non se correspondesen coas establecidas con carácter xeral no título II da Lei 1/1994 e non sexan aplicables as establecidas no mesmo título da presente lei, experimentarán en 1995 un incremento do 3,5%

sobre as percibidas no ano anterior.

Dous.— Na Administración da Comunidade Autónoma e dos seus organismos autónomos, nos casos de adscrición durante 1995 dun funcionario suxeito a un réxime retributivo distinto do correspondente ó posto de traballo a que se adscribe, o devandito funcionario percibirá as retribucións que correspondan ó posto de traballo que desempeñe, logo da oportuna asimilación que autorice a Consellería da Presidencia e Administración Pública por proposta das consellerías interesadas.

Só para os efectos da asimilación a que se refire o parágrafo anterior, a Consellería da Presidencia e Administración Pública poderá autorizar que a contía da retribución por antigüidade sexa a que proceda de acordo co réxime retributivo de orixe do funcionario.

A Consellería da Presidencia e Administración Pública comunicalle estas autorizacións á Consellería de Economía e Facenda para o seu coñecemento.

Tres.— As referencias relativas a retribucións contidas na presente lei enténdense sempre feitas a retribucións íntegras.

Catro.— As referencias contidas na normativa vixente relativas a haberes líquidos para os efectos do cálculo de anticipos reintegra-

bles ós funcionarios entenderanse feitas ás retribucións básicas e complementarias que perciban estes nos seus importes líquidos.

Artigo 17. Requisitos para a determinación ou modificación de retribucións do persoal laboral e non funcionario.

Un.— Durante o ano 1995 será preciso informe favorable conxunto da Consellería de Economía e Facenda e da da Presidencia e Administración Pública para proceder a determinar ou modificar as condicións retributivas do persoal non funcionario e laboral ó servizo de:

a) A Administración da Comunidade Autónoma e os seus organismos autónomos.

b) A Compañía de Radio-Televisión de Galicia e as súas sociedades autónomas.

c) O ente de dereito público Instituto Galego de Promoción Económica.

d) A Fundación Hospital de Verín.

e) As universidades de Galicia.

f) As demais sociedades e entes públicos.

Dous.— Con carácter previo ó comezo das negociacións de convenios ou acordos colectivos que se celebren no ano 1995, deberá solicitarse da Consellería de Economía e Facenda a correspondente

autorización de masa salarial, que cuantifique o límite máximo das obrigas que se poidan contraer como consecuencia dos devanditos pactos, achegando para o efecto a certificación das retribucións salariais satisfeitas e devengadas en 1994.

Cando se trate de persoal non suxeito a convenio colectivo, do cal as retribucións veñan determinadas en todo ou en parte mediante contrato individual, deberán comunicárselle á Consellería de Economía e Facenda as retribucións satisfeitas e devengadas durante 1994.

Para a determinación das retribucións de postos de traballo de nova creación bastará coa emisión do informe a que se refire o punto Un do presente artigo.

Tres.— Para os efectos dos puntos anteriores, entenderase por determinación ou modificación de condicións retributivas do persoal non funcionario as seguintes actuacións:

a) Asinamento de convenios colectivos subscritos polos organismos sinalados no punto Un anterior, así como as súas revisións e as adhesións ou extensións a eles.

b) Aplicación de convenios colectivos de ámbito sectorial, así como as súas revisións e as adhesións ou extensións a eles.

c) Fixación de retribucións mediante contrato individual, xa

se trate de persoal fixo ou contratado por tempo determinado, cando non veñan reguladas en todo ou en parte mediante convenio colectivo.

d) Outorgamento de calquera clase de melloras salariais de tipo unilateral con carácter individual ou colectivo, aínda que se deriven da aplicación extensiva do réxime retributivo dos funcionarios públicos.

Catro.— Co fin de emitilo informe sinalado no punto Un deste artigo, as consellerías, os organismos e os entes remitiranlles ás consellerías de Economía e Facenda e da Presidencia e Administración Pública o correspondente proxecto, con carácter previo ó seu acordo ou asinamento no caso dos convenios colectivos ou contratos individuais, acompañando a valoración de tódolos seus aspectos económicos.

Cinco.— O sinalado informe será realizado no prazo máximo de quince días, que se contarán desde a data de recepción do proxecto e da súa valoración, e versará sobre todos aqueles extremos dos que se deriven consecuencias directas ou indirectas en materia de gasto público, tanto para o ano 1995 coma para exercicios futuros, e, especialmente, no que se refire á determinación da masa salarial correspondente e ó control do seu crecemento, sen prexuízo do disposto no artigo 9

desta lei.

Seis.— Serán nulos de pleno dereito os acordos adoptados nesta materia con omisión do trámite de informe ou en contra dun informe desfavorable, así como os pactos que impliquen crecementos salariais para exercicios sucesivos contrarios ó que determinen as futuras leis de presupostos.

Sete.— Non poderán autorizarse gastos derivados da aplicación das retribucións para 1995 sen o cumprimento dos requisitos establecidos no presente artigo.

Artigo 18. Persoal de alta dirección dos organismos autónomos e das sociedades públicas da Comunidade Autónoma.

Nos contratos laborais do persoal de alta dirección das entidades ás que se refire este artigo non se poderán fixar indemnizacións, en razón da extinción da relación xurídica coa entidade correspondente, de contía superior á fixada na lexislación reguladora desta relación laboral de carácter especial.

Excepcionalmente, o Consello da Xunta poderá autorizar a inclusión de cláusulas indemnizatorias que garantan ata un 15% das retribucións que se percibirían desde a extinción anticipada da relación laboral ata o termo inicialmente previsto como duración do contrato.

En calquera caso, cando a extin-

ción da relación laboral tivese lugar dentro dos últimos doce meses de vixencia do vínculo contractual, a única indemnización aplicable será a prevista no parágrafo primeiro deste artigo.

Artigo 19. Contratación de persoal laboral con cargo ós créditos de investimentos.

Un.— Con cargo ós respectivos créditos para investimentos, as consellerías e os organismos autónomos unicamente poderán formalizar contratacións de persoal, de carácter temporal, nos seguintes casos:

— Contratación de persoal para a dirección de obras de investimentos, así como para a redacción de proxectos e liquidación de obras.

— Contratación de persoal en réxime laboral, sempre que concorran os seguintes requisitos:

a) Que a contratación teña por obxecto a execución de obras por administración directa e con aplicación da lexislación de contratos do Estado ou a realización de servizos que teñan a natureza de investimentos.

b) Que tales obras ou servizos correspondan a investimentos previstos e aprobados nos presupostos xerais da Comunidade Autónoma.

c) Que pola natureza das obras ou servizos non poidan ser execu-

tados por persoal fixo.

Dous.— Os contratos terán que formalizarse seguindo as prescricións dos artigos 15 e 17 do Estatuto dos traballadores e conforme ó disposto na Lei 53/1984, do 26 de decembro, de incompatibilidades do persoal ó servizo da Administración pública. Nos contratos farase constar, cando proceda, a obra ou o servizo para a realización do cal se formaliza o contrato e o tempo de duración, así como o resto das formalidades que impón a lexislación sobre contratos laborais, eventuais ou temporais. Os incumprimentos destas obrigas formais, así como a asignación de persoal contratado para funcións distintas das que se determinen nos contratos, dos que puidesen derivarse dereitos de fixeza para o persoal contratado, poderán dar lugar á esixencia de responsabilidades, segundo o artigo 122 da Lei 11/1992, do 7 de outubro, de réxime financeiro e presupostario de Galicia.

Tres.— A contratación poderá exceder do exercicio presupostario cando se trate de obras ou servizos que pasen do devandito exercicio e correspondan a proxectos de investimento de carácter plurianual que cumpran os requisitos que para estes se prevén no artigo 58 da Lei de réxime financeiro e presupostario de Galicia ou nesta propia Lei de presupostos xerais da Comunidade Autónoma para 1995.

Catro.— O servizo xurídico da Consellería, organismo ou entidade terá que emitir informe sobre os contratos, con carácter previo á súa formalización, e, en especial, pronunciarase sobre a modalidade de contratación utilizada e a observancia nas cláusulas do contrato dos requisitos e das formalidades esixidos pola lexislación laboral.

Cinco.— A realización dos contratos regulados no presente artigo será obxecto de fiscalización previa nos casos en que esta resulte preceptiva de conformidade co disposto nos artigos 94 a 117 da Lei de réxime financeiro e presupostario de Galicia.

Artigo 20. Autorización dos custos de persoal das universidades de competencia da Comunidade Autónoma.

Un.— De conformidade co disposto no artigo 54.4 da Lei orgánica 11/1983, do 25 de agosto, de reforma universitaria, en relación coa súa disposición final segunda, autorízanse os custos de persoal funcionario docente e non docente e contratado docente das universidades de competencia da Administración autonómica para 1995 e polos importes detallados no anexo 2 desta lei.

Dous.— As universidades de competencia da Administración da Comunidade Autónoma ampliarán os seus créditos do capítulo I en función da distribución que do

crédito 07.05.322C.440.00 realice a Consellería de Educación e Ordenación Universitaria, caso no que non será aplicable o contido no artigo 55.1 da citada Lei orgánica de reforma universitaria.

Título III

Das operacións financeiras

Capítulo único

Avales

Artigo 21. Avales.

De conformidade co disposto no artigo 41 da Lei 11/1992, do 7 de outubro, de réxime financeiro e presupostario de Galicia, o importe máximo dos avales que poderá conceder-la Comunidade Autónoma durante o ano 1995 será de 15.000 millóns de pesetas. Deste importe o Igape poderá conceder avales ata un máximo de 13.000 millóns de pesetas.

Artigo 22

O Goberno remitiralle trimestralmente ó Parlamento a información necesaria para coñecer-la lista de avales concedidos, a lista de avales amortizados, a lista de pagamentos efectuados por falidos, a lista de importes recuperados e o risco acumulado. Esta información darase para tódolos avales que se dean ou se desen desde a Administración da Xunta de Galicia ou dos seus

organismos autónomos e entes públicos.

Artigo 23. Operacións de crédito.

Un.— De acordo co previsto no artigo 32 da Lei 11/1992, do 7 de outubro, de réxime financeiro e presupostario de Galicia, a variación da posición neta debedora da Comunidade Autónoma ó final do exercicio de 1995 non poderá exceder de 42.700.000.000 de pesetas.

Dous.— Autorízase o Instituto Galego da Vivenda e Solo a concertar con entidades financeiras préstamos hipotecarios sub-roga-bles con destino ó financiamento de actuacións en materia de vivenda e solo, non podendo establecerse ningún tipo de cláusula da que se derive responsabilidade por parte do Instituto Galego da Vivenda e Solo unha vez realizada a sub-rogación.

O importe dos créditos hipotecarios vivos en 1995 non poderá superar en ningún caso os 4.000.000.000 de pesetas.

Para a súa instrumentación será preciso informe favorable da Consellería de Economía e Facenda.

Artigo 24. Débeda da Tesourería.

De acordo co disposto no artigo 31 da Lei de réxime financeiro e presupostario de Galicia, o Consello da Xunta, por proposta do conselleiro de Economía e Facen-

da, poderá concertar ou emitir operacións de débeda de tesourería, durante o exercicio de 1995, ata un importe máximo do 10% da consignación que figura no estado de ingresos por porcentaxe na participación nos ingresos do Estado.

Título IV

Normas tributarias

Capítulo único

Tributos propios

Artigo 25. Taxas.

Un.— Elévanse os tipos de taxas de contía fixa establecidas no Decreto lexislativo 1/1992, do 11 de abril, polo que se aproba o texto articulado das bases contidas no capítulo III do título II da Lei 13/1991, do 9 de decembro, de taxas, prezos e exaccións reguladoras da Comunidade Autónoma de Galicia, e demais normas que o modifiquen, ata a cantidade que resulte da aplicación do coeficiente do 1,035 ás contías esixibles, exceptuando as tarifas que se modifican segundo o número Dous deste artigo.

O resultado da aplicación do coeficiente 1,035 ás cantidades esixibles a 1994 obterase tendo en conta a seguinte norma de redondeo: redondéanse ó 5 as comprendidas entre o 1 e o 5, e ó 0, as comprendidas entre o 6 e o 9, co aumento neste último suposto

dunha unidade na cifra das decenas. Cando o resultado sexa inferior a 20 pesetas, non se redondeará, tampouco se producirá ese redondeo cando se trate de tarifas fixadas en función dalgún tipo de unidade e exista un máximo fixado nela e dun resultado inferior a 100 pesetas.

Considéranse como de contía fixa cando non estean determinadas por unha porcentaxe da base ou esta non se valore en unidades monetarias.

Exceptúanse deste incremento aquelas taxas que se recaden mediante efectos timbrados.

Dous.— Introdúcense as seguintes modificacións no Decreto lexislativo 1/1992:

A) Modifícase o apartado 0.3 do artigo 18, quedando redactado como segue:

«Inscrición nas convocatorias para a selección de persoal da Comunidade Autónoma.

- | | |
|---------------------------------------------------------------------------------|-------------|
| * Grupo I do convenio ou para acceder a un posto de traballo do grupo A | 8.660 ptas. |
| * Grupo II do convenio ou para acceder a un posto de traballo do grupo B | 7.570 ptas. |
| * Grupos III e IV do convenio ou para acceder a un posto de traballo do grupo C | 6.490 ptas. |
| * Grupo V do convenio ou para acceder a un posto de traballo do grupo D | 5.410 ptas. |

* Grupos VI e VII do convenio ou para acceder a un posto de traballo do grupo E 4.330 ptas.»

B) Modifícase o apartado 17 do artigo 18, quedando redactado como segue:

«Actuación en materia de pesca, marisqueo e acuicultura.

0.1 Expedición de permisos de explotación:

* A pé, tanto para marisqueo tradicional coma para recursos específicos. (Novo permiso ou renovación) 1.085 ptas.

* Desde embarcación, segundo tonelaxe de rexistro bruto. (Novo permiso, renovación, traslado e transmisión, para toda actividade pesqueira e marisqueira exercida desde embarcación):
 0,10 TRB-2,50 TRB 2.165 ptas.
 2,51 TRB-5,00 TRB 3.245 ptas.
 5,01 TRB-10,00 TRB 5.410 ptas.
 10,01 TRB 7.575 ptas.

* A pé con embarcación auxiliar. (Novo permiso ou renovación) 1.300 ptas.

0.2 Expedición de licencias para pesca deportiva:

* Convalidación de licencias outorgadas por outras administracións públicas territoriais con competencia na materia:

a) Pesca deportiva desde terra ou desde embarcación 1.500 ptas.
 b) Pesca submarina de recreo 6.000 ptas.

* Permiso de pesca de recreo desde terra e desde embarcación, expedición e revalidación anual. (Agás xubilados e menores de idade) 1.500 ptas.

* Permisos de pesca submarina de recreo. (Expedición e revalidación anual) 6.000 ptas.»

0.3 Actuacións en materia de acuicultura:

01.- Outorgamento, prórroga ou cambio de dominio *inter vivos* ou *mortis causa*:

* Viveiros flotantes e parques de cultivo 11.000 ptas.

* Restantes establecementos de cultivos mariños e auxiliares. Base de aplicación (capital de instalación ou ampliación):
 Ata 500.000 ptas. 5.500 ptas.

Desde 500.001 ptas. ata 1.500.000 ptas. 8.200 ptas.

Desde 1.500.001 ptas. ata 3.000.000 de ptas. 11.000 ptas.

Por cada 1.000.000 de ptas. máis ou fracción 1.550 ptas.

02.- Ampliación, modificación ou cambio de sistema das instalacións de acuicultura e auxiliares 5.500 ptas.

03.- Modificacións que afectan ó cultivo:

* Cambio de especies ou das técnicas de cultivo 3.500 ptas.

04.- Inspeccións, informes e outras actuacións por petición do interesado realizadas por persoal ó servizo da Consellería de Pesca, Marisqueo e Acuicultura:

* Sen saída 3.245 ptas.

* Con saída ó campo 18.390 ptas.

* Con saída ó mar 21.630 ptas.»

C) Engádeselle ó artigo 18 o apartado 19:

«Taxa para a realización das probas extraordinarias de aptitude

para a obtención dos certificados
profesionais de pesca 2.000 ptas.».

de sementes, división ou unión
de lotes 1.250 ptas.».

D) Engádeselle ó artigo 23 o apartado 22:

«Actuacións do IGVS en materia de
controles de vivendas.

Informe de cumprimento de control:

0.1 Unha vivenda 1.000 ptas.

0.2 Ata 20 vivendas 5.000 ptas.

0.3 Máis de 20 vivendas 10.000 ptas.

Visado de programa de control:

0.4 Unha vivenda 500 ptas.

0.5 Ata 20 vivendas 2.500 ptas.

0.6 Máis de 20 vivendas 5.000 ptas.

Laboratorios acreditados:

0.7 Acreditación 50.000 ptas.

Visita de inspección:

0.8 Nunha área 35.000 ptas.

0.9 En dúas áreas 45.000 ptas.

0.10 En máis de dúas áreas 55.000 ptas.

0.11 Por seguimento, inspección e
xestión do control de calidade das
vivendas de promoción pública.

Do presuposto de control 3%.»

F) Engádeselle ó artigo 24, no apartado 24:

a letra g): «Concesión de condición
de autoxerador eléctrico» 10.000 ptas.

e a letra h): «Autorización de
instalación de produción de
enerxía eléctrica».

Aplicarase a tarifa prevista no
apartado 09 deste artigo 24.

Engádeselle na redacción do apartado 21:
«e contra incendios».

G) Engádeselle ó artigo 24, no apartado 33:

a letra g): «Autorización de
transporte RPT 3.000 ptas.».

Artigo 26. Prórroga.

Aprázase a entrada en vigor do
recargo sobre a taxa que grava o
xogo nos casinos, creada pola Lei
7/1991, do 19 de xuño, de tributa-
ción sobre o xogo, ata o 1 de
xaneiro de 1996.

E) Engádeselle ó artigo 23 o apartado 23:

«Actuacións no ámbito da regulación
da comercialización de materiais
forestais de reprodución.

0.1 Certificado de orixe do material
forestal de reprodución:

Por día de duración de recollida
de material 4.000 ptas.

0.2 Certificado por extracción

Título V

Da xestión presupostaria

Capítulo único

Dos procedementos de xestión presupostaria

Artigo 27. Identificación dos pro-
xectos de investimento.

As modificacións dos programas de investimento que impliquen o inicio de novos proxectos ou a variación dos existentes requirirán a asignación dun novo código pola Intervención Delegada da Consellería correspondente, logo da tramitación da oportuna modificación polo órgano competente segundo o previsto na Lei de réxime financeiro e presupostario de Galicia.

Artigo 28. Programas de xestión específica.

Os programas 731A, «Mellora da competitividade en grupos de interese galego», e 731B, «Apoio ó investimeno estratéxico», do Plan intersectorial de competitividade (PIC) xestionaranse de acordo cos seguintes criterios:

1.— A Comisión Delegada da Xunta para Asuntos Económicos fixará, por proposta da Consellería de Economía e Facenda, as ramas de actividade beneficiarias do PIC dentro do primeiro cuadrimestre de 1995.

2.— As consellerías afectadas polos anteriores programas propondrán, para a súa aprobación pola Comisión Delegada, as normas de xestión para actuacións de carácter sectorial.

3.— Igualmente elevarán, para seren aprobadas pola Comisión Delegada, as propostas de convenio ou contrato-programa que proceda subscribir en apoio de iniciativas empresariais que se consideren de

especial interese.

4.— A Comisión Delegada, logo da aprobación, se é o caso, das propostas, poderá establecer criterios para o seu seguimento e control.

As consellerías afectadas procederán a darlle conta ó Parlamento dos convenios ou contratos formalizados, con periodicidade trimestral.

Artigo 29. Aprobación de gastos de investimentos polo Consello da Xunta.

A autorización de gastos de investimento en contía superior a 500.000.000 de pesetas requirirá a aprobación do Consello da Xunta.

A aprobación referida ó parágrafo anterior implica a autorización do Consello da Xunta para contratar.

Artigo 30. Outros gastos de investimento.

Un.— Por acordo do Consello da Xunta poderanse adquirir compromisos de gasto de carácter pluriannual, cando se trate de adquisicións de vivendas para a cualificación de promoción pública, de adquisición de terreos para a construción de vivendas de protección oficial, de concesión de préstamos para a promoción de vivendas mediante convenios, para axudas económicas persoais e para o apoio financeiro a vivendas sociais, así como da concesión de subvencións para subsidiación de

intereses de préstamos para vivendas de protección oficial.

Dous.— A Xunta de Galicia daralle conta trimestralmente á Comisión de Economía, Facenda e Presupostos de tódalas operacións que se realicen ó abeiro do presente artigo.

Artigo 31. Tramitación urxente de expedientes de obras.

Con carácter xeral autorízaselles ós órganos de contratación a tramitación urxente, prevista no artigo 26 da Lei de contratos do Estado, de expedientes de obras que non superen os 500.000.000 de pesetas. En todo caso, o prazo de presentación de proposicións non será inferior a quince días.

Para efectos do establecido neste artigo, son órganos de contratación da Xunta os establecidos no artigo 72 da Lei de réxime financeiro e presupostario de Galicia.

Artigo 32. Contratación directa de obras.

A adjudicación de contratos de obras baixo a modalidade de contratación directa realizarase conforme ós principios de obxectividade, publicidade e concorrencia. No *Diario Oficial de Galicia* publicaranse previamente as condicións técnicas e financeiras da obra que se vai executar.

A contratación directa de obras con presupostos inferiores a 25.000.000 de pesetas poderá ser acordada polos órganos ordinarios

de contratación. O Consello da Xunta, por proposta das consellerías interesadas, poderá autorizala cando o seu importe non supere os 50.000.000 de pesetas.

Artigo 33. Gastos menores.

Terán a consideración de gastos menores os referentes á contratación de obras, servicios, subministracións, adquisicións, asistencias e traballos específicos e concretos non habituais por importe non superior 1.100.000 pesetas. Para a súa tramitación só será esixible proposta de adjudicación ou adquisición razoada e certificación de existencia de crédito e, para o seu aboamento, factura ou xustificación correspondente, podendo acumularse nun só acto as devanditas fases.

Artigo 34. Revisións de prezos contidos en concertos ou convenios.

Con carácter xeral, as revisións de prezos que se establezan nos concertos ou convenios que subscriban durante o ano 1995 a Administración xeral da Comunidade Autónoma, os seus organismos autónomos ou as entidades de dereito público previstas no artigo 12.1.b) da Lei de réxime financeiro e presupostario de Galicia non poderán supera-lo incremento do IPC galego durante o exercicio.

Excepcionalmente, e por causas plenamente xustificadas, o conselleiro de Economía e Facenda, por proposta da Consellería corres-

pondente, poderá autoriza-la inclusión de cláusulas de revisión por contía superior á indicada no parágrafo anterior.

Artigo 35. Subvencións e axudas con cargo ós presupostos xerais da Comunidade Autónoma.

Un.— Ó amparo do disposto no artigo 78 da Lei de réxime financeiro e presupostario de Galicia, poderán concederse de forma directa axudas ou subvencións nos seguintes casos:

a) As que se deriven de convenios entre a Comunidade Autónoma e entes públicos ou privados para a prestación de servicios públicos ou para a adquisición de bens de interese público, logo da oportuna declaración do órgano xestor, nas que non sexa posible promove-la concorrencia pública pola especificidade das características que debe cumpri-la entidade ou actividade destinataria da subvención.

Tamén poderán concederse de forma directa aquelas axudas ou subvencións que fosen aprobadas pola Comisión Delegada da Xunta para Asuntos Económicos como consecuencia da aplicación do previsto no artigo 28.3 desta lei.

b) As axudas ou subvencións correntes ás que polo seu obxectivo de utilidade e interese social ou cultural, ou para promove-la consecución dun fin público, non lles sexan aplicables os principios de publicidade e concorrencia, sempre que a

súa contía non supere o importe de 1.000.000 de pesetas por beneficiario e ano e as concedidas por cada Consellería non excedan globalmente de 10.000.000 de pesetas no exercicio. Estes importes elevaranse a 3.000.000 e 40.000.000 de pesetas, respectivamente, para a sección 04, servico 01, Secretaría Xeral do Presidente.

As que participando da mesma condición excedan dos límites cuantitativos anteriores deberán ser concedidas por acordo motivado do Consello, dándolle conta á Comisión correspondente do Parlamento de Galicia

Dous.— Sen prexuízo da xustificación ou liquidación definitiva das subvencións ás que e refire o artigo 79 da Lei de réxime financeiro e presupostario de Galicia e do control e da fiscalización posterior do gasto incorrido, así como das funcións de inspección e control financeiro pertinentes, poderán efectuarse pagamentos parciais ou anticipos de pagamentos sobre a subvención ou axuda concedida nos casos e coas condicións seguintes:

A) Subvencións correntes:

Para aquelas que non superen o importe de 1.000.000 de pesetas poderá acordarse no momento da concesión un anticipo de pagamento de ata un 80%, e librarase o 20% restante no momento da completa xustificación por parte do beneficiario do cumprimento da finalidade e demais condicións

para a que foi concedida.

Nos demais casos, poderán acordarse pagamentos parciais, a medida que o beneficiario xustifique os gastos, e a conta de liquidación ata a porcentaxe que establece a norma reguladora da convocatoria, que nunca será superior ó 80% da subvención concedida. Non obstante, naquelas que se concedan baixo os principios de publicidade e concorrencia a entidades sen ánimo de lucro, poderá autorizarse un anticipo do 10% da subvención no momento da concesión, sempre que a orde de convocatoria así o prevexa e estableza os medios documentais de xustificación provisional que deban achega-los beneficiarios.

Excepcionalmente, logo da oportuna xustificación, o Consello da Xunta de Galicia poderá autorizar que a norma reguladora da convocatoria prevexa anticipos, no momento da concesión da subvención, nunha porcentaxe superior á sinalada.

B) Subvencións de capital:

1.— Naquelas que non excedan de 5.000.000 de pesetas poderán efectuarse pagamentos parciais a medida que o beneficiario xustifique os investimentos efectuados. Estes pagamentos non superarán o 80% da subvención concedida, e librarase o importe restante no momento da completa xustificación por parte do beneficiario do cumprimento da finalidade e demais condicións para a que foi

concedida.

2.— Cando o importe das subvencións supere a cifra de 5.000.000 de pesetas poderanse efectuar pagamentos parciais a conta da liquidación sempre que concorran os requisitos e as circunstancias seguintes:

a) Que o interesado o solicite.

b) Que se xustifiquen non só o investimento senón tamén os pagamentos efectuados ata ese momento con cargo ó proceso de investimento aprobado.

c) Que o importe parcial da subvención que se vai satisfacer non exceda da contía da anualidade prevista para o exercicio presupostario de que se trate.

d) O importe que se pode satisfacer por pagamentos parciais non poderá exceder en ningún caso do 80% do montante total da subvención concedida.

e) Para a concesión de pagamentos parciais será necesario que o beneficiario da subvención acredite que lle aplicou ó proceso investigador recursos propios na mesma proporción que representa o pagamento parcial respecto da subvención concedida.

f) Os pagamentos parciais quedan condicionados ó resultado da liquidación definitiva da subvención e para estes efectos estarán garantidos con aval bancario ou de entidade aseguradora que se considere suficiente e por tempo indefi-

nido. Este aval estará á disposición da Consellería xestora e soamente poderá levantarse unha vez que a subvención se liquide definitivamente de conformidade. O dito aval garantirá o principal e os intereses calculados polo interese legal do diñeiro e por un prazo que medie entre a data de solicitude e o último día no que, de acordo coas normas de concesión da subvención, esta deba ser xustificada.

Quedan exentos deste requisito os beneficiarios que se citan nas letras a) e e) do apartado C) deste artigo.

3.— Con carácter excepcional e por resolución motivada da Consellería correspondente poderase autorizar un anticipo de ata o 50% da subvención naqueles casos en que o investimento esixa pagamentos inmediatos.

4.— Cando o beneficiario sexa unha Corporación local, a certificación emitida polo órgano competente expresiva dos importes investidos ou executados na acción subvencionada será xustificación suficiente para ordenalo anticipo.

5.— Respecto do Fondo de Cooperación Local haberá que aterse á súa normativa reguladora.

C) De acordo coa natureza e o réxime das subvencións concedidas con cargo ós presupostos da Comunidade Autónoma, quedan exentas de achega-los xustifican-

tes do cumprimento das obrigas a que se refire o artigo 79 da Lei de réxime financeiro e presupostario de Galicia:

a) As libradas a favor da Comunidade Autónoma e dos seus entes públicos, así como dos órganos estatutarios de Galicia.

b) As libradas a favor do Estado e dos seus organismos autónomos, así como dos órganos constitucionais.

c) As libradas a favor das corporacións locais e universidades.

d) As bolsas e axudas destinadas expresamente a financiar estudos en centros de formación públicos e privados, cando as perciban directamente as persoas individuais beneficiarias.

e) As subvencións ou axudas con cargo ós créditos presupostarios correspondentes ó artigo 48, Familias e institucións sen ánimo de lucro, e aquelas que non superen as 250.000 pesetas individualmente e se concedan con cargo ó artigo 78, Familias e institucións sen ánimo de lucro.

D) As ordes correspondentes das consellerías fixarán o prazo de presentación de solicitudes, que en ningún caso será inferior a quince días hábiles.

Tres.— De conformidade co disposto no artigo 18.1 do texto refundido da Lei xeral presupostaria, aprobada polo Real decreto 1091/1988, do 23 de setembro,

nos regulamentos (CEE) números 4042/1989 e 4253/1988, agora integrados no Regulamento (CEE) número 2080/1994, do Consello do 20 de xullo de 1994 (instrumento financeiro de orientación da pesca, IFOP), e nas demais disposicións aplicables, correspóndelle no ámbito de Galicia á Intervención Xeral da Comunidade Autónoma a elaboración e execución dos plans de control sobre beneficiarios de axudas financiadas total ou parcialmente cos fondos comunitarios a que se refiren as citadas normas.

Artigo 36. Adaptación do estado de gastos do Servicio Galego de Saúde.

O estado de gastos do organismo autónomo Servicio Galego de Saúde presentará a súa estrutura funcional e por programas conforme ó sistema da Seguridade Social. Para estes efectos establécese a táboa de equivalencias que figura como anexo 3, entre esta estrutura e a correspondente ó resto dos entes e organismos con carácter xeral.

Artigo 37. Tratamento dos créditos para provisións de riscos non executados.

Os créditos destinados a provisións para riscos que se instrumenten no capítulo VIII dos presupostos de gastos da Administración xeral e, se é o caso, dos organismos autónomos comerciais, industriais, financeiros ou análogos, nos importes nos que non fose execu-

tado o risco ó final do exercicio, terán a consideración de ingresos do capítulo VIII no exercicio seguinte, coa finalidade de xerar crédito nas dotacións que para este tipo de atencións figuren nos estados de gastos dese ano.

Disposición adicional primeira.— Transferencia de remanentes líquidos de Tesourería.

As entidades que constitúen a Administración institucional da Comunidade Autónoma transferiránlle á Xunta de Galicia o importe dos remanentes líquidos de Tesourería resultantes das liquidacións dos correspondentes exercicios presupostarios.

A Consellería de Economía e Facenda poderá xerar con este importe crédito no programa 531B, «Imprevistos e funcións non clasificadas».

Non obstante, e coa finalidade de evitar que se produzan estes remanentes, a Consellería de Economía e Facenda poderalles limitarlas transferencias de crédito a estas entidades en función do seu nivel de execución presupostaria.

Disposición adicional segunda.— Servicio Galego de Saúde. Persoal.

Correspóndelle ó Servicio Galego de Saúde a autorización das modificacións dos cadros de persoal estatutario e persoal MIR dentro de cada centro de xestión, sempre que a modificación acor-

dada non supoña un incremento dos créditos do artigo 12 do devandito centro.

En todo caso, daráselle conta á Consellería de Economía e Facenda unha vez tramitada a correspondente modificación.

Disposición adicional terceira.— Servicio Galego de Saúde. Transferencias de crédito.

As limitacións contidas nos apartados b) e c) do artigo 68 da Lei 11/1992, do 7 de outubro, de réxime financeiro e presupostario de Galicia, entenderanse referidas, no presuposto do Servicio Galego de Saúde, ó presuposto individualizado de cada un dos centros de gasto e non ós presupostos totais.

Disposición adicional cuarta.— Iniciativas que comporten crecemento de gasto.

Á tramitación de calquera anteproxecto de lei, proposta de disposición administrativa ou convenio no que a súa aplicación poida representar incremento de gasto respecto das previsións presupostarias actuais ou que teña repercusión en exercicios futuros deberáselle achegar unha memoria económica elaborada polo organismo que corresponda, na que se poña de manifesto a incidencia presupostaria derivada da súa execución, proponendo ó mesmo tempo os recursos adicionais necesarios para o seu financiamento. Así mesmo, deberá figurar infor-

me da Consellería de Economía e Facenda relativo á súa incidencia nos escenarios presupostarios da Comunidade Autónoma.

Disposición adicional quinta.— Dotacións presupostarias do Parlamento.

1. As dotacións presupostarias do Parlamento de Galicia libraranse en firme e periodicamente ó seu nome, a medida que este o requira, e non estarán suxeitas a ningún tipo de xustificación ante o Goberno galego.

Os documentos contables que se expidan para facer efectivas as dotacións presupostarias a favor do Parlamento de Galicia serán propostos e autorizados pola Consellería de Economía e Facenda.

2. Igual procedemento seguirase para as dotacións presupostarias do Consello de Contas.

Disposición adicional sexta.— Sociedades públicas.

1. Autorízase o Consello da Xunta de Galicia, e por proposta da Consellería de Economía e Facenda, a aproba-los presupostos de explotación e capital previstos no artigo 83 da Lei 11/1992, do 7 de outubro, de réxime financeiro e presupostario de Galicia, das sociedades públicas que se constitúan ou entren en funcionamento ó longo do ano 1995.

2. Da aprobación dos presupostos destas sociedades daráselle conta a Comisión de Economía,

Facenda e Presupostos do Parlamento de Galicia, dentro dos quince primeiros días do mes seguinte á súa aprobación.

Disposición adicional sétima.— Modificación dos artigos 39, 40 e 41 da Lei 8/1993, do 23 de xuño, reguladora da Administración hidráulica de Galicia.

Modifícase a Lei 8/1993, do 23 de xuño, reguladora da Administración hidráulica de Galicia, nos artigos que a continuación se indican e que terán a redacción que segue:

Un.— Artigo 39.

«1. A base impositiva do canon consiste:

a) En xeral, no volume de auga consumida ou utilizada no período que sexa considerado.

b) Nos casos nos que a Administración, de oficio ou a instancia do suxeito pasivo, opte pola determinación por medida directa ou por estimación obxectiva singular da carga contaminante, a base consistirá na contaminación efectivamente producida ou estimada expresada en unidades de contaminación.

2. Os parámetros e as unidades de contaminación que se consideran na determinación da carga contaminante no período considerado son os seguintes:

Parámetros	contaminación
a) Materias en suspensión (MES)	-kg
b) Sales solubles (SOL)	-S/cm m ³
c) Materias oxidables (MO)	-kg
d) Metais pesados (MP)	-kg equimetal
e) Materias inhibidoras (MI)	-Equitox

3. Regulamentariamente poderán establecerse métodos de estimación singular da base impositiva, que serán aplicables nos supostos seguintes:

a) Captacións superficiais ou subterráneas de auga non medida por contador.

b) Cando a base impositiva consista na carga contaminante do vertido e esta non fose obxecto de medida directa particularizada.»

Dous.— Artigo 40.

«1. O tipo de gravame exprésase en pesetas por metro cúbico ou en pesetas por cada unidade de contaminación en función da base impositiva á que teña que aplicarse. Establécense os seguintes valores do tipo de gravame do canon:

A) Usos industriais ou asimilados:

a) Tipo xeral por unidade de volume.	...15 ptas./m ³
b) MES8,8 ptas./kg
c) SOL141 ptas./S/cm m ³
d) MO17,6 ptas./kg
e) MP396 ptas./kg equimetal
f) MI1,8 ptas./equitox

B) Usos domésticos.....0 ptas./m³

Unidades de

2. A Lei de presupostos xerais poderá modificar para cada exercicio presupostario os valores do tipo por unidade de volume e por cada unidade de contaminación.

3. Para os efectos da aplicación do canon reputaranse como usos domésticos da auga todos aqueles supostos de utitización da auga que non teñan a consideración de industriais ou asimilados, segundo o disposto no apartado seguinte.

4. Terán a consideración de usos industriais ou asimilados da auga os efectuados polos usuarios, cando o consumo anual de auga sexa igual ou superior a 3.000 m³, ou, cando sendo inferior, orixine contaminación de carácter especial na súa natureza ou na súa cantidade. Para estes efectos, considerarase producida tal contaminación cando esta sexa superior á equivalente a unha poboación de 200 habitantes.

5. Fíxase como cantidade de contaminación diaria equivalente a un habitante:

a) 90 gramos de materia en suspensión.

b) 57 gramos de materias oxidables.

6. Corresponderalle á Lei de presupostos o establecemento de coeficientes de concentración demográfica que afecten ó tipo de gravame en relación cos usos domésticos da auga. Os ditos coe-

ficientes atenderán á poboación total e ó seu grao de dispersión en cada municipio.

7. Coeficiente de vertido ó mar:

a) O tipo de gravame aplicable nos vertidos ó mar efectuados mediante instalacións de saneamento privadas será o resultado de multiplica-los tipos xerais fixados no punto 1 anterior polos seguintes parámetros e coeficientes:

Parámetro	Coeficiente
Sales solubles	0
Materias inhibidoras	1
Resto de parámetros	Coeficientes de dilución

b) Os baremos de aplicación do coeficiente de dilución serán os que a continuación se indican:

Valores de dilución inicial	Coeficiente por dilución (kd)
11.000 ou máis:	0,30
Entre 7.000 e menos de 11.000	0,45
Entre 4.000 e menos de 7.000	0,60
Entre 2.000 e menos de 4.000	0,70
Entre 1.000 e menos de 2.000	0,75
Entre 100 e menos de 1.000	0,80
Menos de 100:	1,00

A Lei de presupostos xerais poderá modificar para cada exercicio presupostario os valores deste coeficiente.»

Tres.— Queda suprimido o número 3 do artigo 35 da Lei 8/1993, reguladora da Administración hidráulica de Galicia.

Catro.— Artigo 41.

«1. A cota tributaria será o resultado de multiplicar:

a) Nos supostos a que se refire o artigo 39.1.a), o volume de auga consumida no período considerado, expresado en m³, polo tipo de gravame correspondente.

b) Nos supostos a que se refire o artigo 39.1.b), aquelas unidades de contaminación producidas no período considerado, correspondentes a cada un dos parámetros definidos no artigo 39.2, polo tipo de gravame correspondente a cada unha delas, modulado, no caso de vertido ó mar, polo coeficiente referido no artigo 40.7.

2. Nos usos industriais e asimilados, a cota do canon, cando sexa calculada polo procedemento de medida directa da contaminación, poderá modificarse en razón das achegas ou detraccións de auga que efectúe o contribuínte ó longo do proceso. A dita modificación, cando proceda, operarase mediante a aplicación dun coeficiente corrector de volume igual á relación existente entre o caudal de auga vertida e o caudal subministrado ou utilizado.»

Cinco.— A redacción dada pola Lei 8/1993 ó seu artigo 41 mantense integramente como novo artigo 42.

Disposición adicional oitava.— Esixibilidade do canon de saneamento.

A exacción do canon a que se refire o capítulo IV da Lei 8/1993,

do 23 de xuño, reguladora da Administración hidráulica de Galicia, coas modificacións introducidas na disposición adicional sétima desta lei, será esixible a partir do 1 de xullo de 1995.

Disposición adicional novena.—

Os fondos que se poidan xerar no programa 531B, «Imprevistos e funcións non clasificadas», procedentes da diferenza que poida existir entre a liquidación definitiva da porcentaxe de participación nos ingresos do Estado para 1994 e a estimada no estado de ingresos de 1995 para o dito concepto, destinaranse ós programas 711C, 731A e 731B.

Disposición transitoria primeira.— Retribucións do persoal contratado administrativo.

As retribucións do persoal contratado administrativo ás que se refire a disposición transitoria terceira da Lei 4/1988, do 26 de maio, da función pública de Galicia, ata tanto non se conclúa o proceso de extinción previsto na dita lei, experimentarán un incremento do 3,5% respecto das establecidas no ano 1994.

Disposición transitoria segunda.— Complemento variable da renda de integración social de Galicia.

Para o ano 1995 a contía do complemento variable da prestación económica da renda de integración social de Galicia, en función do número de membros do

fogar, prevista no artigo 12.2 da Lei 9/1991, do 2 de outubro, será a seguinte:

— 6.000 pesetas polo primeiro membro adicional.

— 4.830 pesetas polo segundo membro adicional.

— 3.650 pesetas por cada un dos restantes membros adicionais.

Disposición transitoria terceira.— Oferta de emprego público en 1995.

Un.— O Consello da Xunta poderá autorizar, por proposta da Consellería da Presidencia e Administración Pública ou, se é o caso, das consellerías competentes na materia e co informe favorable da Consellería de Economía e Facenda, a convocatoria de prazas vacantes que se considere que poidan afectar ó funcionamento dos servicios públicos esenciais, sempre que o número de prazas de novo ingreso sexa inferior ó que resulte da aplicación da taxa de reposición de efectivos.

Dous.— A restricción sobre o número de prazas indicada no punto anterior non lles será aplicable ás relativas ó persoal adscrito a centros de ensino, sanitarios e de servicios sociais, que se axustarán en todo caso ós efectivos dotados presupostariamente.

Tres.— Durante 1995 non se procederá á contratación de novo persoal temporal nin ó nomeamento de funcionarios interinos salvo

en casos excepcionais e para cubrir necesidades urxentes e inaprazables, con autorización conxunta das consellerías da Presidencia e Administración Pública e de Economía e Facenda. Non será necesaria esta autorización para as contratacións do persoal docente e sanitario, que adecuándose estritamente ás necesidades do servicio terán como límite máximo as previsións presupostarias que se establecen para o efecto.

Así mesmo, e sempre dentro das limitacións presupostarias previstas, non requirirán autorización previa as contratacións para substitucións do persoal que resulten imprescindibles para o bo funcionamento dos servicios.

Disposición transitoria cuarta.— Vixencia da disposición adicional sexta da Lei 15/1991.

Prorrógase a vixencia da disposición adicional sexta da Lei de presupostos xerais da Comunidade Autónoma galega para o ano 1992 durante o ano 1995.

Disposición derradeira primeira

Autorízase a Consellería de Economía e Facenda para que efectúe nos presupostos da Comunidade Autónoma as adaptacións técnicas que procedan como consecuencia de reorganizacións administrativas, posta en marcha de organismos autónomos ou traspaso de competencias desde outras administracións co fin de crea-los

programas, as seccións, os servizos e os conceptos presupostarios que sexan necesarios e autorízan-las transferencias de crédito correspondentes. Estas operacións en ningún caso darán lugar a un incremento do gasto.

Informarase de todas elas á Comisión de Economía, Facenda e Presupostos do Parlamento dentro do mes en que aquelas se producisen.

Disposición derradeira segunda

O Consello da Xunta dictará, por proposta do conselleiro de Economía e Facenda, as disposicións necesarias para o desenvolvemento e a execución de canto se prevé nesta lei, que entrará en vigor o día 1 de xaneiro de 1995.

Disposición derradeira terceira

No momento en que se fagan efectivas as transferencias en

materia de cámaras agrarias á Comunidade Autónoma de Galicia, a Consellería de Economía e Facenda efectuará as adaptacións técnicas que sexan precisas no presuposto de gastos da sección 09, facultándose o Consello da Xunta para que, de conformidade co previsto no artigo sétimo da Lei 23/1986, do 24 de decembro, modificada pola Lei 23/1991, do 15 de outubro, poida acorda-la extinción das cámaras agrarias locais nos termos e cos efectos previstos na disposición adicional segunda do mesmo texto legal. De todo o actuado daráselle conta ó Parlamento no prazo de un mes.

(1)

Santiago de Compostela, 29 de decembro de 1994

Manuel Fraga Iribarne
Presidente

(1) O anexo incorporado a esta lei non se reproduce nesta edición.